

# INTROD

## L'oradzo

Can, de tsotèn, halle grouse gnoule nèe, tchardjéye, s'aprotson... Eun silanse irrèel t'eunvertoille : te lo sen, l'è pertò... t'aétse su, é lo llouezdzo te surprèn, é anonche lo toun-o, que manque po d'aréé atò son crazèrio que te fa reblèiti, é que fa croulé le vèiro, djapé le tseun é ploé le mèinoù. « L'è lo parèn di tchévre que robatte le tsoidî » !

Lo llouezdzo se fa parafoudra, veun bidjoun-é la tèra, é léche sa marca pertò ioi se pouze. An chouha ! Fou pensé de tchertché to de souite an chouha, micque le premî grouse gotte de plodze comenchon a bèiché. To veun teuppe, l'er l'è tchardjà d'énerjiya é, devàn que te t'apèsisèye, la ramó l'è dza lé : tsoda, pouissanta, vivifianta.

Dedeun lo vacarmo di toun-o que redobblon, l'ouvra s'eunmelle a son tor. É tè te reuste lé, euntsantó, a aitché la pouissanse de la nateua que l'a baillà cappa : le brantse di-z-abro que blèyon dézò l'oradzo, le dihî que voyadzon, é la plodze que rebotse le meur. L'ée de meulle dar euntricaye le tsin-ó, soite bo di tè é ruyatte...

Véo de ten l'è pasó ? Gneun sareu lo dî, mi to hen â s'en vatte, bo pe lo fon de la Valoda, acouiillà di dérî bran d'èa que fèibli. T'ò l'è silanse, tourne la hllartó é eun rayòn de solèi fa briillé le dérî pitchoude gotte de plodze que queutton de tsire. Que dzen hi cou reprende ton tsemeun de campagne, sentì lo bon flo de la tèra é di fen blette, que poyon...

É tè, comme can t'î mèinoù, te t'eunvian-e eun soitailèn pe le goille é eun pistèn lo patchocque...



Région Autonome  
**Valleée d'Aoste**  
Regione Autonoma  
**Valle d'Aosta**

Assessorat de l'Éducation  
et de la Culture  
Assessorato Istruzione  
e Cultura



lo gnalèi

Tiexe écrit par :

Daniel Fusinaz

Publié en 2020 dans « Noalle d'Euntròu »

Collaborateur d'Introd pour la traduction: **Daniel Fusinaz**

Transcription : Guichet Linguistique